



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Bugenhagenii Pomerani Annotationes ab ipso iam
emissæ. In Deuteronomium**

Bugenhagen, Johannes

Basileae

VD16 B 9247

Historia feriae secundae post dominicam Palmarum.

urn:nbn:de:hbz:466:1-36133

bant in eum, ut sermo Esaię impleretur &c. Multi tamen ex principibus crediderunt in eum, sed propter phariseos non confitebantur, ut de synagoga non eijcerentur. Dilexerunt enim gloriam hominum magis quam gloriam dei &c. Corde quidem creditur ad iustitiam, sed ore fit confessio ad salutem. Et qui erubuerit, inquit, de me coram hominibus, erubescam et ego de eo coram patre meo et angelis eius. Verum fragilitatem nostram libenter interim fert ille qui omnia fert nostra peccata dum non negamus eum.

Historia ferię secundę post
dominicam Palmarum.

- Mar. 11.** Postera die, id est, ut nunc dicimus, bona secunda feria,
Matt. 21. mane cum exiret a Bethania reuertens Hierosolymanam esuriit. Cumque uidisset a longe ficum habentem folia, uenit si quid forte inueniret in ea. Et cum uenisset ad eam, nihil inuenit preter folia, Non enim erat tempus ficuum. Et dixit ei, Iam non amplius in æternum ex te quisquam fructum manducet, Haud dubie significans perpetuam excacationem illorum ex quibus per oblatum Euangelium fructum frustra quaesierat. Et audiebant discipuli eius, et ueniunt iterum Hierosolymanam.
- Mar. 11.** Et cum introisset in templum cepit eijcere ementes et uendentes in templo, et mensas numulariorum cathedrasque uendentium columbas euertit, et non sinebat ut quisquam transferret uas per templum, et doce

bat, dicens eis, Nonne scriptum est, Domus mea domus orationis uocabitur omnibus gentibus? Vos autem fecistis eam speluncam latronum. Quo audito princeps sacerdotum & scribae querebant quomodo eum perderent. Timebant enim eum, quonia uniuersa turba admirabatur super doctrina eius. Et cum uespera iam esset egrediebatur de ciuitate.

Hæc Marcus ordine refert, & in eius historia clare uidetur ista quoque die eiectos esse e templo, ut superiori. Et cui non, uel præter hanc tam claram historiam, uerisimile uidetur rursus auaritiam pontificum mox instaurasse in templo condemnatum emporium, iam instante festo, nundinationis eorum tempore, Quamquam non ignorem Augustinum, de concordia Euangelistarum, sentire Marcum descripsisse quasi altera die factum, quod in superioris diei descriptione oblitus fuerat, id quod in Marco non mihi uidetur, Denique tertia feria interrogant, In qua potestate hæc factis? ueriti ut opinor ne rursus iniustas merces eiciat.

Erat autem diebus docens in templo, noctibus uero Lu. 21 exiens morabatur in monte qui uocatur Oliueti. Et omnis plebs mane ueniebat ad eum in templum ut audiret illum. Ex quo liquet non totas noctes mansisse eum in Bethania, sed in multam noctem in monte oliueti uel docuisse discipulos, ut mox audies, uel orasse patrem, ut legis quando capitur a Iudæis.

*diebus colligis
diebus singulis
sunt singulis
templum uideatur*